

影印
文淵閣

四庫全書

影印

文淵閣四庫全書

第一四四一冊

北京出版集團公司
北京出版社

本冊目次

御選宋金元明四朝詩（五）
御選元詩

清

張豫章等奉敕編……………一

欽定四庫全書

御選元詩卷四十三
集部

欽定四庫全書

御選元詩卷四十三

七言律詩一

耶律楚材

和薛伯通韻

滴滴秋光溢遠山一
天空闊鴈聲乾詩章
平淡思居易
禪理縱橫憶道安不
分西風霜葉脫難禁
秋雨菊花殘
閣山舊隱天涯遠夢
裏思歸夢亦難

欽定四庫全書

御選元詩
卷四十三

和移刺繼先韻

舊山盟約已愆期一
夢十年盡覺非瀚海
路難人去少
天山雪重鴈飛稀漸
驚白髮寧辭老未濟
蒼生曷敢歸
去國遲遲情幾許倚
樓空望白雲飛

陰山

八月陰山雪滿沙清
光凝目眩生花插天
絕壁噴晴月
擎海層巒吸翠霞松
檜叢中疏畎畝藤蘿
深處有人家
橫空千里雄西域江
左名山不足誇

詳校官中書臣吳瓌

主事銜臣徐以坤覆勘

總校官知縣臣楊懋珩

校對官中書臣陸湘

騰錄監生臣王利賓

思友人

落日蕭蕭萬馬聲東南回首暮雲橫金朋蘭友音書絕
玉軫朱絃塵土生十里春風別野店五年秋色到邊城
雲山不礙歸飛夢夜夜隨風到玉京

寄平陽淨名院潤老

昔年萍水便相尋握手臨風話素心刻燭賦成無字句
按徽彈徹沒絃琴風來遠渡晚潮急雨過寒塘秋水深
此樂莫教兒輩覺又成公案滿叢林

欽定四庫全書

御選元詩
卷四十三

和移刺子春見寄

邂逅沙城識子初天山風雪醉吟餘文章光燄君堪羨
節操儀刑我不如麴蘖鄉中前進士渠有詩云老去惟耽麴蘖春故有是
風波堆裏老中書他年歸去無相棄同到閭山舊隱居

過夏國新安縣

時丁亥九月望也

昔年今日渡松關西域陰山有松關車馬崎嶇行路難瀚海潮
噴千浪白天山風吼萬林丹氣當霜降十分寒月比中

秋一倍寒回首三秋如一夢夢中不覺到新安

過武川贈僕散令人

班姬流落到而今聞道翻身入道林歌扇舞裙忘舊業
藥壚經卷半新吟閑眠白晝三杯醉靜對青松一曲琴
更看他年棲隱處蓬山樓閣五雲深

還燕京題披雲樓和諸士大夫韻

閑上披雲第一重離離禾黍漢家宮窗開青瑣招晴色
簾捲銀鉤揖曉風好夢安排詩句裏閑愁分付酒盃中

欽定四庫全書

御選元詩
卷四十三

靜思二十年間事聚散悲歌一夢同

謝飛卿飯再用韻紀西遊事

河中西域尋思子城西遼日為河中府花木蔽春山爛賞東風縱寶鞍

留得晚瓜過臘半藏來秋果到春殘親嘗芭欖寧論價
自釀蒲萄不納官常歎不才還有幸滯留遐域得佳餐

再用韻

雲山疊疊復雲山瘦馬蘆鞭矮面鞍瀚海去程千驛遠
揚州歸夢五更殘塵緣淡處應忘世逸興濃時好解官

二頃良田何必覓春山
笋蕨亦供餐

和搏霄韻代水陸疏文七首 錄二首

新詩效玉起予深
獨有搏霄我許心
真跡居塵聊俯仰
高名與世任浮沈
同成雅會清茶話
共賞枯桐白雪音
他日歸休約何處
燕山參謁萬松林
漁磯舊隱荻花深
塵世寧忘昔日心
兩岸清風單舸穩
滿江明月一鉤沈
飢來煮稻無兼味
醉後鳴榔笑五音
閑卧煙蓑春夢斷
不知潮起沒青林

欽定四庫全書

御選元詩
卷四十三

四

蠟梅

越嶺仙姿迴異常
洞庭春染六銖棠
枝橫碧玉天然瘦
蕾破黃金分外香
反笑素英渾淡抹
却嫌紅豔太濃粧
臨風浥此薔薇露
醉墨淋漓寄渺茫

寄天山周敬之

當年傾蓋識君初
爛飲天山駐使車
秋去安仁空有賦
鴈來公瑾又無書
林巒紅葉如人老
籬落黃華亦我疎
為向天涯道岑寂
強吟新句附雙魚

贈蒲察元帥五首 錄四首

使君排飯宴南溪
不枉從君鳥鼠西
春筵旋澆濃鹿尾
臘糟微浸軟駝蹄
絲絲魚鱸明如玉
屑屑雞生爛似泥
白面書生知此味
從今更不嗜黃齏
筵前且盡主人心
明燭厭厭飲夜深
素袖佳人學漢舞
碧髯宮妓撥胡琴
輕分茶浪飛香雪
旋擘橙盃破軟金
五夜歡心猶未已
從教斜月下疎林

欽定四庫全書

御選元詩
卷四十三

五

主人開宴醉華胥
一派絲篁沸九衢
黯紫蒲萄垂馬乳
輕黃杞攪燦牛酥
金波泛蟻斟歡伯
雪浪浮花點酪奴
忙裏偷閑誰若此
西行萬里亦良圖
閑乘羸馬過蒲華
又到西陽太守家
瑪瑙瓶中簪亂錦
琉璃鍾裏泛流霞
品嘗春色批金橘
受用秋香割木瓜
此日幽歡非易得
何妨終老住流沙

壬午西域河中遊春四首 錄二首

二月河中草木青
芳菲次第有期程
花藏徑畔春泉碧
雲散林梢晚照明
含笑山桃還似識
相親水鳥自忘情

遐方且喜豐年兆萬頃青青麥浪平

異域春郊草又青故園東望遠千程臨池嫩柳千絲碧
倚檻妖桃幾點明丹杏笑風真有意白雲送雨太無情
歸來不識河中道春水潺湲滿路平

河中遊西園二首 錄一首

河中春晚我邀賓詩滿雲牋酒滿巡對景怕看紅日暮
臨池差照白頭新柳添翠色侵凌草花落餘香著莫人
且著新詩酌芳酒西園佳處送殘春

欽定四庫全書

御選元詩
卷四十三

西域從王君玉乞茶因其韻七首 錄一首

酒仙飄逸不知茶可笑流涎見麴車玉杵和雲春素月
金刀帶雨翦黃芽試將綺語求茶飲特勝春衫把酒賒
啜罷神清淡無寐塵囂身世便雲霞

庚辰西域清明

清明時節過邊城遠客臨風幾許情野鳥間關難解語
山花爛熳不知名蒲萄酒熟愁腸亂瑪瑙盃寒醉眼明
遙想故園今好在梨花深院鷓鴣聲

早行

馬馱殘夢過寒塘低轉銀河夜已央鴈跡印開沙岸月
馬蹄踏破板橋霜湯寒卯酒兩三盞引眊新詩四五章
古道遲遲四十里千山清曉日蒼涼

十七日驛中作窮春盤 是日早行始
憶昨日立春

昨朝春日偶然忘試作春盤我一嘗木案初開銀線亂
砂瓶煮熟藕絲長勻和豌豆揉葱白 西人煮餅必
投以豌豆 細剪
萋蒿點韭黃也與何曾同是飽區區何必待膏粱

欽定四庫全書

御選元詩
卷四十三

鹿尾

鑒與秋獮獵南岡鹿尾分甘賜尚方濃色殷殷紅玉髓
微香馥馥紫瓊漿韭花醅辣同葱薤芥屑差辛類桂薑
何似壇根蘸濃液流匙滑飯大家嘗

劉秉忠

江邊晚望

沙白江青落照紅滄波老樹動秋風天光與水渾相似
山面如人了不同千古周郎餘事業一時曹孟謾英雄

東南幾許繁華地長在元戎指畫中

九日滿坦山

凌雲氣節鬢驚秋書劍荒寒事遠游萬里嵐光采馬背
一川紅葉上鰲頭西風不管參軍帽絕塞空凋季子裘
誰把茱萸念行役憑高拭目望神州

江上寄別

軍中無酒慰飄零辜負沙頭雙玉瓶鞍馬幾年南北路
關河千古短長亭好風到枕客愁破殘月入簾歸夢醒
夢斷故山人不見曉來江上數峰青

江邊梅樹

江邊繚繞惜芳叢絕筆天真在眼中素豔乍開珠蓓蕾
暗香微度玉玲瓏一枝倒影斜斜月滿樹浮光細細風
明日行經山下路幾回特地駐青驄

春日效宮體

雨洗芳塵絕點埃桃花零落海棠開沈香亭小圍紅樹
太液池清映綠苔夜月也曾懸漢殿朝雲何只在陽臺

六宮簾捲東風軟一派仙音翠輦來

寄友人

悠悠離闊感中年我輩情鍾豈不然好景與時渾易過
可人和月只難圓五更殘夢雞聲裏千里歸心鴈影前
漠北雲南空浪走今春又負杏花天

勸友人酒

西風落葉共蕭颼百感中來不自由豪客空攜鐵如意
舞孌徒費錦纏頭曳過雨脚雲歸岫湧出山頭月滿樓
一曲清歌一盃酒為君洗盡古今愁

客興

關河牢落別離中到處題詩記轉蓬啼鳥不知春是客
落花還逐水流東雲開千里遠山碧樓映半溪殘照紅
雌蝶雄蜂不同類雙雙相趁舞迴風

宿中山乾明寺

客散關門厭事諱爐香滿屋卧煙霞人辭故里凡三載
僧到伽藍自一家夢破小窗浮月色漏殘寒角奏梅花

天明又上潯陽道駕水歸程漸有涯

晚遊

山水清佳自在遊利名莫莫復休休
瘦筇此日真忘世長笛何人效倚樓
鴉落點成千樹墨鴈飛橫絕一天秋
歸來小院松梢上新月低斜玉一鉤

樓上

睡起重持金屈卮要憑芳酒緩離思
醉魂屢作還山夢吟興多因寄友詩
千里波光風定後一樓山色雨晴時

欽定四庫全書

御選元詩
卷四十三

碧雲望斷佳人遠投樹樓鴉已滿枝

睡起

連歲驅馳萬里程碧臺歌舞笑爭名
山中猿鶴丹心在塞上風煙白髮生
對客倦談當世事向人難悉未歸情
雪花亂打西窗急總似芭蕉夜雨聲

寄張平章仲一

春光滿眼酒盈樽難得同觀易見分
秋氣著人涼似水晚山和我淡如雲
清歌月影簷頭轉殘夢鐘聲枕上聞

元鳥欲歸黃鳥斷詩哦伐木正思君

過天井關

雲冷風高天井關太行嶺上看河灣
九州占絕中原地一壑攔迴左界山
王霸分爭圖未捲英雄鏖戰血猶殷
華陽春草年年綠汗馬南來不放閑

郝經

秋興五首

錄一首

欽定四庫全書

御選元詩
卷四十三

永夜漫漫苦飯牛北溟誰下釣鰲鉤
拘雲琢句鬼神泣倚劒長歌天地愁
日暖桃源秦世外月明蘭國楚江頭
但能握節終吾事絕食猶輕漢五侯

老馬

百戰歸來力不任消磨神駿老駸駸
垂頭自惜千金骨伏櫪仍存萬里心
歲月淹延官路杳風塵荏苒塞垣深
短歌聲斷銀壺缺常記當年烈士吟

南堂即事

長夏禪房絕點埃鬱蒸襟袖迥然開
半軒流水移天去

滿榻雄風送雨來不記閑愁千萬種有時清唱兩三杯
輕鷗也自知人意浮入驚波却便回

大宛二馬

天廐所有詔
錫張蔡公

二馬飄飄萬里來玉花蕭颯上金臺風生兩耳雲霄近
電掣雙瞳日月開渥水虎文連殺氣大宛龍種絕氛埃
將軍正欲成勲業看汝驍騰展驥才

落花

彩雲紅雨暗長門翡翠枝餘萼綠痕桃李東風蝴蝶夢

欽定四庫全書

御選元詩
卷四十三

十二

關山明月杜鵑魂玉闌煙冷空千樹金谷香銷謾一尊
狼籍滿庭君莫埽且留春色到黃昏

次韻荅王國範

薄寒孤影澹黃昏步出空齋自掩門霜落池萍清見底
風彫庭樹靜歸根天高鴈去人千里江闊烏驚月一痕
兩國音塵俱斷絕幾年懷抱與誰論

靜香亭二首

錄一首

南風吹綠滿庭槐門巷翛然絕點埃紅玉生煙塵世隔

錦幃遮日洞天開鶯知好客飛無語蝶為新花去復來
好著生前無限酒浩歌長醉亂霞堆

曉渡澁河

旌旗斷續出林巒部曲喧阗過石灘殘月沒時愁地險
宿雲收處覺天寬自知不武還為將漫使閑身也屬官
落盡黃榆秋色老楚山清曉石樓寒

營獨山谷

秋風獵獵建牙旗月澹昏黃馬不嘶區脫定時林影黑

欽定四庫全書

御選元詩
卷四十三

十三

邏兵行處草聲低豺狼遠跡終宵遁烏鵲驚飛到曉啼
中夜幾回還自惜缺壺歌罷意淒迷

孟少保後園瑞香

羽葆層層擁細花早梅斜映隔山茶兩三叢裏氤氲氣
數百年來富貴家雕玉香濃團瑞雪翠翹春暖插輕霞
主人一去無消息庭戶蕭疎落晚鴉

月丹

小艇移來江漲橋盤盤矮格仍嬌丹霞皺月瑤紅玉

香霧凝春翦絳綃一種是花偏富貴三冬無物比妖嬌
廣寒記憶曾攀折滿殿光搖照紫霄

山茶大者曰月丹又大者曰照殿紅

伴使秦文舉欲入維揚故賦詩以見意

東風吹落瓊花雨南浦潛生荔子煙夜久有懷聞獨鶴
春歸無語怨啼鵲天沈海底涵金鎖日隱鰲頭頻玉鞭
千尺絲綸萬年井文園消渴竟誰憐

芍藥

王宣承送揚州芍藥數本

夜來風雨洗殘春芍藥還開春又新入座忽驚持酒客

欽定四庫全書

御選元詩卷四十三

十四

舉杯先酌送花人煙輕雪膩丰容質露重霞香婀娜身
鐵石肝腸縱銷鑠都將軟語說風神

鏡鄉亭

薄薄輕雲似霧塵陰陰江氣冷侵人一庭芳草留連客
兩樹夭桃斷送春檻外流鶯仍語巧梁間旅燕又巢新
東城飲伴西湖柳寒食中間入夢頻

甲子秋懷

江館無家久似家西風院落老天涯黃纏著蘂猶多葉

綠擁芙蓉尚未花紗幕墜塵歸晚燕窗池生草窰秋蛙
枯腸欲斷誰濡沫擊柝聲中夜煮茶

己巳三月二十六日

夢遊故國人仍獨春到空梁燕自雙雲淡星疎祇見斗
浪平風定不聞江五更鼓角纏孤枕千里關河入破窗
落盡好花春又老依然塵土暗金釭

楊奐

寄商孟卿

欽定四庫全書

御選元詩卷四十三

十五

一望東原一惘然芸窗誰與伴高眠秋風有意招張翰
春草無由見惠連王母信音青鳥外溪翁心事白鷗邊
殷勤為向侯芭道判却殘年老太玄

長安感懷

此心只欲作東周再到長安已白頭往事無憑空擊楫
故人何處獨登樓月搖銀海秦陵夜露滴金莖漢殿秋
落日酒醒雙淚眼幾時清渭向西流

試萬寧宮

月澹長楊晚色清
天題飛下寂無聲
南山霧豹文章在
北海雲鵬羽翼成
玉檻玲瓏紅露重
金爐縹緲翠煙輕
誰言夜半曾前席
白日君王問賈生

至日

憶初年少在南梁
兄弟歡遊久未忘
春色共傾花底酒
雨聲常對竹邊牀
怒鯨一夕掀洪浪
斷鴈何時續舊行
辜負亂來同被約
尺書不到十年強

劉祁

欽定四庫全書

御選元詩
卷四十三

十六

南京遇山樓

倚天突兀聳高樓
樓上人家白玉鉤
落日笙歌迷汴水
春風燈火似揚州
仙人已去名空在
豪客同來醉未休
獨倚朱闌望明月
鸞旌依約認重游

杜煥

環翠亭宴飲

坐客終朝望眼西
好山高與暮雲齊
鶴鳴漁浦天風急
鰲背仙宮海浪低
千古地形雄妹土
一川煙景勝耶溪

歌聲喚起凌波夢
蓮葉香深路欲迷

楊惟中

棲巖寺

煙鎖蓮宮縹緲間
巖松鬱鬱插雲端
遠看大華三峰秀
俯視河東一水寒
樓觀恍然驚世夢
是非應不到長干
我來暫與高人話
不覺斜陽下玉闌

許衡

繼人葵花韻

欽定四庫全書

御選元詩
卷四十三

十七

戎葵花色耀深濃
偏稱脩叢映短叢
絳臉有情爭向日
錦苞無語細含風
舒開九夏天真秀
壓倒千年畫史工
但恨主人貧且窶
不教相對舞衣紅

遊孫氏別墅

聞道孫家別業新
招呼諸子共尋春
紅韜瘦蕊花初動
黃染輕梢柳未勻
興況便為生意好
風光殊比畫圖真
何當對此常無事
慰我年來老病身

學題武郎中桃溪歸隱圖二首

桃溪風景寫橫披，渾似秦人避亂時。
萬樹春紅羅錦綺，一灣晴碧捲琉璃。
飲中更聽琴聲雅，靜裏初無俗事羈。
他日君侯歸此隱，肯容閑客日追隨。

門外鞦韆擺翠煙，籬邊雞犬亦閑閑。
更教爛漫花千樹，對著繁紆水一灣。
好景已憑摩詰畫，他年重約長卿還。
尋思此世人心別，又愛功名又愛山。

春雪

玉塵如糝滿東風，人道天教兆歲豐。
麥已埋深郊外綠，花都封却樹頭紅。
半年枯槁從今潤，千里芳菲是處空。
為問王孫與農叟，憂歡應見兩難同。

偶成

屈指年華四十三，歸來憔悴百無堪。
遠懷未得生前遂，俗事多因困後諳。
百畝桑麻負城邑，一軒花竹對煙嵐。
紛紛世態終休論，老作山家亦分甘。

楊果

洛陽懷古

洛陽雲樹鬱崔嵬，落日行人首重回。
山勢忽從平野斷，河聲偏傍故宮哀。
五噫擬逐梁鴻去，六印休驚季子來。
惆悵青槐舊時路，年年無數野棠開。

張弘範

初夏

醉窗睡足碧紗涼，簾卷薰風燕子忙。
滿地落花驚晚吹，一溪流水帶斜陽。
等閑歲月過難再，牢落功名拙自傷。
青鏡祇愁霜鬢改，光陰空老郭汾陽。

欽定四庫全書

御選元詩

卷四十三

十九

新蟬

齊宮怨女夢初驚，猶對薰風訴別情。
一自返魂遺舊殼，便將秋恨入新聲。
斷橋高柳天將暮，落日空山雨乍晴。
鐵石肝腸人聽得，也應白髮為君生。

雛燕

羽毛香潤態含癡，睡足雲甕力尚微。
喚母但能啾唧語，戀巢猶倦往來飛。
薰風庭院簾初卷，落日池臺人乍歸。
白鳳赤龍渾異事，爭如隨分著烏衣。

述懷

春風滿鬢綠鬕鬆
落落胃懷氣吐虹
節操自知堅雪竹
行藏未必屬秋蓬
歌終牛角兩行淚
舞徹雞聲一劍雄
肯似少年場上客
笙簫日醉軟香中

過雙堦

千丈黃塵倦客途
林梢遙認兩浮屠
數家荒店留行李
一帶遙山入酒壺
勲業壯年勞夢寐
等閑老境寄江湖
前途默默深蒼海
惆悵西樓日向晡

欽定四庫全書

御選元詩
卷四十三

二十

風柳

澹澹池塘近楚宮
綠腰裊娜學盤中
亂搖芳草飛輕白
細搭朱闌拂落紅
枝上嬌鶯啼恰恰
樹邊舞蝶意匆匆
東君應著吹噓力
要把春愁一掃空

共賦行田

不屑人間事業忙
日迷歌舞少年場
樓臺夜月延佳客
花竹春風擁謝娘
笑倩釵金挑燭影
醉嫌杯玉擘橙香
誰知原上農家子
鞭梠殘星曉露涼

張易

送魯齋先生歸山

袞袞諸公入省闈
先生承詔獨南歸
道逢時否貧何病
老得身閑古亦稀
行色一杯燕市酒
春風二月故山薇
到家已及蠶生日
布穀催畊隴麥肥

徐世隆

送天倪子還泰山

九十行年髮未華
道人風骨飽煙霞
洞天福地三千里

欽定四庫全書

御選元詩
卷四十三

二十一

神府仙閭第一家
牛膝藥靈斟美醞
兔豪盞淨啜芳芽
隱居自愛陶弘景
莫作山中宰相誇

劉因

登雄州城樓

古戍寒雲接渺茫
故鄉遊子動悲涼
江山自古有佳客
煙雨為誰留太行
野色分將愁外綠
物華呈出夜來霜
海門何處秋聲急
極目滄波空夕陽

入山

草露蛛絲晴日明
亂蟲秋意有先聲
屈盤未轉坡陀盡
蒼翠忽從懷抱生
一徑峰回失南北
兩山雲近異陰晴
天公若會登臨意
可信傷心畫得成

山中月夕

滿懷幽思自蕭蕭
況對空山夜正遙
四壁晴秋霜著色
一天明月水生潮
歌傳巖谷聲豪宕
酒泛星河影動搖
醉裏似聞猿鶴語
百年人境有今朝

曉出西塘

欽定四庫全書
御選元詩
卷四十三
二十三
塘水隨人緩步行
哀湍激石故輕清
太行穰秀霜洗淨
全趙規模天鑿成
偶為登臨發悲咏
忽從毛髮散秋聲
殷勤莫盡尊中酒
留到青山佳處傾

野草會飲

行樂人生當及辰
今朝光景為誰新
林陰薄薄微露日
花氣溶溶暖著人
春色十分看欲盡
鳥聲千種聽難真
東風就手吹殘酒
無限青山動翠鱗

過鎮州

太行迎馬鬱蒼蒼
兩岸灘聲帶夕陽
霜與秋容增古淡
樹因煙景恣微茫
閱人歲月真無謂
得意江山差自強
曾記城南舊時路
十年回首儘堪傷

高亭

高亭雲錦遶清流
便是吾家太一舟
山影酒搖千疊翠
雨聲窗納一天秋
襟懷灑落景長勝
雲影空明天共遊
笑向白鷗問塵世
幾人曾信有滄洲

夏日即事

欽定四庫全書
御選元詩
卷四十三
二十三
迂疎爭笑近清狂
多病筋骸可預防
久之園蔬因種藥
不留窗紙為抄方
閑從鳥雀分晴晝
靜與蛩螢共晚涼
莫道幽人好標致
北窗自古有羲皇

夜雨

夢覺呼童問幾更
未應先作不平鳴
山深六月有秋意
夜靜滿城惟雨聲
四海虛名此身媿
百年浮世寸心驚
誰教簷溜如愁思
欲斷還連直到明

夏日飲山亭

借住郊園舊有緣
綠陰清晝靜中便
空鉤意釣魚亦樂
高枕卧遊山自前
露引松香來酒盞
雨催花氣潤吟牋
人來每問農桑事
攷證牀頭種樹篇

飲聞雞臺

出門人事厭紛紛
春色三分已二分
十步離山九回顧
一杯到手百無聞
蒼茫天地有如此
磊落古今何獨君
欲向荒臺問遺跡
水明沙浦只行雲

秋郊

欽定四庫全書

御選元詩
卷四十三

行過青林徑欲還
誰家茅屋在林間
雲初湧出半舍雨
風漸吹開微露山
世味嘗來知嬾貴
物華老盡覺秋閑
天開勝境為詩敵
未許幽人穩閉關

宿華陽臺

石徑盤盤擁亂霞
雲間雞犬是誰家
空山月出人境失
高樹露涼秋氣加
蜀道青天休種杞
武陵流水漫尋花
太行東北三千里
盡借晴嵐染鬢華

渡白溝

薊門霜落水天愁
匹馬衝寒渡白溝
燕趙山河分上鎮
遼金風物異中州
黃雲古戍孤城晚
落日西風一鴈秋
四海知名半彫落
天涯孤劍獨誰投

遂城道中

鐵城秋色接西垣
遠客還鄉易斷魂
霸業可憐燕太子
戰樓誰弔漢公孫
冷煙衰草千家塚
流水斜陽一點村
慰眼西風猶有物
太行依舊壓中原

避暑玉溪山

欽定四庫全書

御選元詩
卷四十三

風露撩人儘力清
也應知我到禪局
秋聲滿谷有生氣
山意帶煙成遠形
皎月欲升天失色
白雲初出樹留青
他年若訪經行處
合有先生避暑亭

留題山房

靈氣縹緲竹花飛
怪石參差樹影齊
壺裏有天藏日月
杯中無海飲虹蜺
松生太古鶴應識
路入白雲山盡低
萬里黃塵一回首
微茫煙水意悽迷

春遊

巧穩林亭無四鄰
背山向水得天真
風光正及二三月
童子同來六七人
十日得閑須小醉
一年最好是深春
鳥聲似向花枝說
曾見無懷有此民

賦孫仲誠席上四杯

仲誠命題
庠通舉韻

螺

注瓦傾銀竟若何
紅珠元稱卷金螺
微茫山意詩痕在
濫灝江聲飲興多
聖處已分糟與蟹
醉來唯見酒成波
千年醒殺江魚腹
應恨生身在汨羅

欽定四庫全書

御選元詩
卷四十三

二十六

荷

碧簫和露卷晴霞
錦浪隨鯨落晚沙
風趁歌聲來弄葉
酒知人意要浮花
曾中辟立三峯玉
醉裏神遊太一家
明日清霜看紅翠
人生容易鬢成華

桃

希夷尊祖永相望
混沌鑿開見此觴
金橘有天容逸老
青田無地避餘香
雲中招隱留仙掌
物外尋真得醉鄉
試向峨嵋問啼鳥
人間紅雨幾斜陽

後蜀記劉先祚進
桃核杯云得之華

山陳
博

橙

瀟湘千樹暮林平
風露詩腸快一傾
蜜戀金絲仍可意
香分綠蟻最關情
洞庭春色元無恙
楚澤幽蘭恐未清
惟辦酒船千萬斛
棹歌和月卷江聲

即席以韻課諸生東齋諸物

錄五首

遠山筆架

痕字

何物能支筆萬鈞
案頭依約遠山痕
燈橫煙影隱猶見
秋入霜毫勢欲吞
掌上三峰看太華
人間一髮是中原
中書未免從高閣
不向林泉怨少恩

欽定四庫全書

御選元詩
卷四十三

二十七

梅枝

枝字

鐵石心腸冰玉姿
掌中潛得歲寒枝
天教一握藏春密
風覓餘香就手吹
雪月冷懷隨步履
溪山高興入支頤
玉堂若要扶持用
說與東君也不知

醉梨

寒字

白雪春香洗未殘
元霜誰遣凍成團
冰封圓顥盤增滑